

蜀輜詩記

| | |
|-----|--------|
| 書號 | 101871 |
| 登記號 | 三三四三 |
| 冊 | 一(二) |

21800
917

辛酉秋日

蜀輜詩記

樂靜居士陞雲

蜀輶詩記卷上



德清俞陞雲階青



光緒二十八年壬寅五月奉命典蜀試六月二日辰刻出彰義門至天甯寺小憩寺有塔建於隋明季璫寺題名已剗去由石道拱極城經蘆溝橋桑乾河出其下有碑曰蘆溝曉月客子曉行殘月印波露寒雞唱為燕京八景之一橋建於金大定二十九年石柱咸刻獅形長二百餘步地當孔道列朝法駕所經行仕宦商旅所趨驚石而能言當語我以興亡之感五里長新店茶尖二十五里宿良鄉縣明隆慶中因舊土城甃甃乾隆間定回部金川郊勞築臺於此城外有燎石岡赤色上建五層塔凡行七十里

廿載芸窗課草留雲幼承祖訓有衡文今忝駕星輶江頭南雁通吳會重開皆馳書報起程旗角西風指益州聖代文章崇實學時改制藝寒家科第本貽謀貞元

蜀輶詩記卷上

世運方開拓珍重奇才鐵網收

初三日卯初由小喜莊宏恩寺至寶店尖以燕山寶禹鈞得名道經田隴積水未消市中多抱布者地有樂毅故里辰正至琉璃河茶尖橋外有三兩舟檣亦稱劉李河水經註之聖水也午後經牯牛河波流有聲兒童狎水浮泊如鳧雁過石橋後官柳兩行女牆一抹遙見涿州雙塔出炊烟樹色閒憶庚子拳匪之亂備嘗艱阻單車出走於七月五日經石橋下車陷石隙不得出短衣敝屣躑躅荒原良涿為拳匪窟宅白刃紅巾拍張盈路余所乘者大刀王五標車王以俠勇有聲燕趙間幸脫於險甫閱二年乘輶重過不勝別來滄海之嗟凡行七十里

萬事當未形深黑闕昏暮塵埃競馳逐盲進了無怖周綱昔淩遲白日障妖霧竄身豺虎窟獨客涕如雨俛仰二載閒榮悴頓異故人生幾剝復預揣亦何補康莊與礪确惴惴審前路趨避術既窮一一履而赴此意何人知臨波問漚鷺

初四日發涿州經忠義店爲張桓侯故里十里熨斗店小憩五里澤畔村晴漪一
頃菡萏方花已正食於高碑店午後行烈日中如焦如燒沙土曠浩蘊熱既深反
激熱力上騰與炎風并合目翳顛昏輿夫中暑顛踣相繼勉進至虎賁驛借民居
稍息居人張姓留客殷拳爲輿夫治疾日晡復行大風揚沙遠樹顛舞若醉由祖
逃村入定興縣有坊題八代勳名爲邑中李氏立茶罷出城得疏雨解暑雨挾沙
塵斑斑作黃點傍易水左側涉河陽渡宿北河店有楊椒山讀書處行八十里
迴野四無障炎風酷如燒驕陽灼沙礫插足膚欲焦徒御屢顛仆四顧窮呼號
有如涉颶海檣傾兼穢撓天邊岸一線心切途彌遙行行見村樹土屋依亭皋
居人解延客掃榻相招邀茅檐駐冠蓋驚呼環兒曹井泉飲盈掬芳冽逾瓊醪
林陰憩僕馬雜坐聲謹啾殘暉欲西匿漸有涼風招晚程溯易水疏雨來東郊
解鞍沽村酒一慰征人勞

蜀輜詩記卷上

初五日晨經三里鋪六里鋪至尙汲村蓮花數十本淩波媚影有孤秀自馨之致
地近賈島故里午膳於固城即范陽故城鑿於昨之酷暑日晡始行地有黃金臺
舊蹟十里田村見碑題田光故里五里麒麟冢日已西晚五里白塔鋪村盡見塔
有姜女浣衣處十里宿安肅縣京西郡邑修整前歲由雄縣而南斷井積垣炊烟
寥落遜此多矣凡行六十里

尙汲村

紅樹村西汲井華

有小村題曰紅樹不著圖經

一川晴翠印朝霞留人略有江南思臨水柴

門白藕花

姜女廟

秋笳絕塞送吳郎

出關亦有姜女廟

古木叢祠感孟姜日暮楊枝風不定哀蟬吟遍浣

衣塘

初六日道出隴畔平疇龜坼旱象已成十里劉伶墓十里荆塘鋪荆卿故里也五里食於慈航寺苔徑幽芳筠簾靜碧一洗緇塵之色寺側有方恪敏公祠恪敏徵時雪夜僵臥道左寺僧奇其貌拯恤備至及公總制畿疆建慈航寺以彰之十五里徐河橋即順水十五里宿保定省城袁制軍世凱楊廉訪士驥以候吏迎時津沽西師未退故袁制軍移駐於此行五十五里

荆卿劉伶遺蹟

秋色蒼然來蕭條動易水荆卿固健者浩氣讐秦始放達如伯倫解醉洵高士
孤行天壤間早已了生死悠悠身後名甯計後人齒憑弔發長嗟無乃昔賢鄙
慈航寺

千金酬一飯亦足快生平勳業滄波逝香燈佛殿明斷鴻風外影孤磬定中聲
熱客嗟常侍何如梵境清

蜀輶詩記卷上

三

初七日出保定城林梢屋角倒影晴波案輿圖當是五雲泉十五里小激店十里大激店出都以來西山一桁恒在掖右過易水後層青疊翠或錯峙若亭閣或秀發若冠珥峯嶢百態兌城之奧區也二十里食陘陽驛村農祈雨方鉦鼓迎神以柳條圍首鬢鬢被額狀至詭觀十五里方順橋見靳文襄公神道碑二十里良村漢昭烈故里十里宿望都縣昔名慶都乾隆間改今名行九十里

小驛陘陽策騎過迎神簫管雜村歌應知鴻雁哀鳴急自是魚龍戰伐多入暮

遙天微有電繞城枯澗寂無波

望都縣環城皆河今盡涸竭

杜陵廣廈終虛願手折衰楊奈

爾何

村人祈雨以柳條插門

初八日行二十里至荆墳鋪十里清風店有清風泉碑隸書頗遒勁十里樂莊鋪二十里食於定州黃家老店州爲管仲所築昔稱管仲城市中售眼藥店甚多有大樹數抱穿屋瓦而出黛色霜皮古姿挺溢午後十五里孟良橋十里明月店嘉

山在其西三十五里宿新樂縣悅來店承塵上終夜有聲東屋亦然詢諸居人夙有狐祟過客無店可宿偶一啓之行一百十里

小店經明月駸駸我馬勞山痕籠日淡沙氣入雲高老屋狐鳴火長塗馬戀槽
晚程頻極目烟外酒旂挑

初九日渡沙河河廣而淺有渡船泊岸柳陰夾道車轍縱橫古稱五派琴河不復
辨識十五里小寨鋪傳是孔子遺筆鄉十里馬頭鋪十里吳村堡入藁城界十里
食於伏城驛爲先賢閔子故里風捲塵沙天容沈晦行沙地中四十五里遙見雙
塔峩峩麗譙隱隱旋入正定府城道旁有常山古郡碑入暮雨甚唐李寶臣紀功
碑及大佛像未得往觀聞滹沱河驟漲河身漫闊百二十丈星郵期迫欲渡無梁
殊悶損也行八十五里

江湖軍舸飽風霜又涉名川到朔方一水黃連瀛海氣連山青跨晉燕疆亞駝

蜀輶詩記卷上

秦穆雄文在

詛楚文曰不顯亞駝之神即滹沱也

策馬淮陰戰蹟荒武事向稱河北健降才吾欲

敏天閭

初十日驛館枯坐雨續續如繩不已午後放霽泥淖沒足徒御茶憊行十里乘舟
渡滹河黃流慄勁幸風雨已息十里柳林鋪五里蕭家營五里趙陵鋪趙陀之先
塋也亂鴉爭樹已近昏黃呼鄉農導路而行十里安舍鋪空山無人月華滿地時
聞遙村吠蛤聲山脈漸近昏靄中覺坡路升降不半夜午抵獲鹿縣城韓信下趙
因白鹿得泉遂以名縣行六十里

淺草平岡次第登井陘晴翠見嶒嶸斷雲片片收恒嶽

恆山在府城北

殘日陰陰下趙

陵千尺虹霓寒有影

滹河方建鐵橋是日比荷二國工程師同舟濟河

百年陵谷事無憑

河流遷徙猶定道光初猶

近在何當躡屐蓮峰頂

獲鹿縣在蓮花山下俯看滹沱雪浪騰

十一日出縣西門輿前加繆助登山之力如挽舟然西屏三峰迎面而起鹿泉塋

澈繞其麓緣山凡數折入井陘口土偏若術作蒼赭色十五里仰字嶺五里下安
村聞砧聲出泉畔四圍嵐翠中餘音迴合清越彌長五里上安村五里白雲莊登
東天門憑高縱目太行羣峰延亙數百里與天表白雲參差競出十里食於微水
驛兩涉微水卽綿水源出娘子關急浪喧逐輿馬亂流而濟隔岸人家臨崖結屋
絢映於斜陽碧樹間十里橫口村十里郝西河五里三家村皆傍河而行五里井
陘縣見漢田先生故里碑淮陰談兵處碑入山始見窰洞穴山土而居窰爲佳
土窰次之行客擔簦農夫叱犢歷歷在屋頂經行窰洞多處密若蜂房窗戶上圓
下方類歐西屋式晚膳後行吟澤畔水聲浩浩若風雨雜遝而來舊有長橋已朽
斷時聞喚渡聲出昏烟淡月中行七十里

東天門

天門絕頂亂雲鋪代北秋高雁影孤一線幽燕環大陸千年虞夏關雄都鬚眉

蜀輜詩記卷上

五

趙將祠猶在

山巔有白面將軍碑韓信入井陘趙守將戰死於此佚其名

旗鼓韓侯迹已蕪努力三關諸騎

士好憑忠信鞏皇圖

微水驛

岸轉灘逾急寒裳欲渡遲雙流交衛水一氣走滹池蘭葉行人佩蘋香妒女祠

江湖心浩蕩應許白鷗知

井陘

陶穴人家薄暮扃固關雲氣遠逾青單衫小扇清無暑一路泉聲到井陘

十二日溯縣水西上陘路迤長天陰欲雨前峰有紅牆隱約與人稱東陽嶺五里
朱村五里經長虹橋五里長生鎮五里龍窩寺紺宇琳宮依山四合上有慈悲閣
王漁洋過此見小松生石壁上今松已盈丈倒插生姿寺外絨花一樹萬綠中紅
艷照人五里核桃園山皆巨石類獮獸擊攫午食於槐樹鋪疫氣方熾居民十室

九空看無所得水不敢飲四山雨意益濃小坐即發五里見山西交界坊凡行直隸境七百八十里由石道登北天門即故關更上五里爲固關城倚山缺北接娘子關勢益峻厲萬里長城南盡於此戍樓三五各據峰頂而築宜淮南稱天下險也二十五里柏木井十里西天門危巖男坂石色黃赤相間五里宿柏井驛假清徭局息裝窗几嚴淨無塵塔下戎葵盛放白色者尤娟靜牆外一峰銳起上有魁星樓行七十五里

龍窩寺

秀絕龍窩寺嵐光匝四遭斜坡緣石轉陡壁插松牢風盪鐘聲緩雲扶閣勢高山僧清淨福應笑役夫勞

北天門

雉堞憑凌百仞山戍旗高卓翠微閒驚波浴馬來懸澤狹路盤蛇上故關鎖鑰

蜀輶詩記卷上

六

向推全晉險關門題曰晉陽鎖鑰酒漿應恤小民艱晉省籌餉方亟依然細雨槐花路辛苦詞臣

舊往還王漁洋使蜀詩云西風忽送瀟瀟雨滿路槐花出故關

十三日出驛卽鏡山以山嶺環合天圓如鏡得名三里青玉峽卽翠蛟潭從深壑亂石中覓徑而出山樊距地數丈屢見小石室刻避險藏身四字防山水驟發爲行人登避之所七里橋頭村市鎮隘口多建高閣題江山毓秀東達燕京等字客寓題起火小店十里石門鎮溪廣而清北山多穴居南山樹色森濃屢涉南川中細石青紅雜出映水益明拾數枚玩之三十里食於平定州經朝暉閣崔府君廟前午後出西門道旁古樹居人香火祀之五里登南天門亂山撲地若風蹴浪紋起伏低昂直至天盡處下山涉平潭河夙稱七十二渡是日凡十四渡沙石浩莽羣岫作遠勢環之雨後斜陽相映背陰則黛容迎陽則金色秀潤特絕五里平潭鎮有趙簡子遺蹟十里賽魚村十里新興鎮素月流輝嫩涼生袂十里宿測石驛

窰洞中窰洞廣狹不一室皆圓頂僅一面通光冬煖夏涼藏食物歷久不壞土厚而堅不憂傾壓夜靜聞水聲甚壯欵枕吟成悠然入夢矣行一百里

平定州

孤城斗大倚蒼穹黑煞天門一徑通

南天門即黑煞嶺

柏井東連雲盎盎桃江西上雨

濛濛

桃江卽芹泉

遺山第宅憑闌想

州爲元遺山故居元有句云莫笑山城如斗大他州誰有湧雲樓

裴相旌旄出

峽雄

裴度討王庭湊由此進兵

俯仰中原文獻地

州門題文獻名邦

未容皋落混夷戎

地爲春秋皋落氏之區州

西有皋落山

南天門

蹤目窮飛鳥搏搏一碧橫雲痕當霹裂山勢出關平商業求鹽鐵農田課織耕

穹坡三百丈遺愛說西征

石道爲左文襄公西征時所修

測石驛

蜀輜詩記卷上

七

忽改南行道羣山勒向西夕陽迎面墮流水沒腰齊艷艷溪桃熟英英野麥低

楊枝感搖落斷句和昌黎

十四日出驛由山腰旋折而上人如磨蟻冉冉出林梢十里漢橋鎮瀑布長丈餘
濺玉跳珠激石有聲輿中小眠爲溪聲驚覺已行十里抵張淨鎮屢涉澗中水清
而淺沙石五色相絢芹泉水一清一濁清者石色尤麗澗旁奇石羅列芒利見骨
十里芹泉驛有環山書院土山殊峻名土陘嶺晉地山土性堅而直往往孤嶂獨
立純土無石歷千百年不墮於窰洞尤宜迴異江南沃壤平衍而鬆也嶺有殷開
山墓居民墾田皆在山上翠隴層層如砌如塔烏犍蓑笠出沒雲霧中二十里宿
壽陽縣疫氣流行市肆頗寥落邑民雖盛夏亦御棉衣夙有冷壽陽之稱是日涉
水延滯行五十里

六月披棉冷壽陽天梯石棧路低昂鄉心恰似山程遠百折千迴繞太行

十五日出縣東門壽水方澗策騎徑渡五里黃門鎮有關曰大樹堙民居皆捶土作牆甚堅緻刻數尺大字如崇實黜華山明水秀等筆勢頗佳十里清平鎮陟土嶺數重懸崖俯矚深窅駭觀田間多種鶯粟花丹素相映十里王強鋪見一山皆紫色沙攢聚而成未詳其名十里食於太安驛有韓文公詩亭王可莊前輩題額徐花農師典試山右出貲重葺之越嶺二十五里至什貼鎮茶尖時方得雨農人鼓吹迎神像爲龍王龍母經三岔口距太原省城六十里燕晉秦分道於此又南行三十里宿王胡鎮行百二十里

秀麥環青嶂連坡聚赤沙隴頭連夜雨開遍米囊花斷壁猶存字災黎半徙家誠求資宰牧本計在桑麻

王胡鎮

鹿祁宮冷散啼鴉村市炊烟向晚遮知是郵程榆次近松棚人賣小甜瓜

地屬榆次

蜀輜詩記卷上

八

縣產瓜
最佳

十六日行田畔禾稼萎槁晉地久失水利旱輒成災途中車轍較燕地寬尺許猶三代遺迹聞秦中亦然所謂石戴古時轍也犁田驅騾馬人立犂上翻土而前十里郭家堡十里南谷村十里張慶鋪十里食於永康鎮暫憩破屋中市廛荒寂鎮外有巨木燒痕黝然樹腹盡空枝葉仍蔥翠途中屢見之楊樹爲多十五里徐溝縣界過正定以後市屋皆有廊礎柱成列而閉戶居多鄉間尤寂寞幾若巷無居人十五里宿徐溝縣水味鹹濁殊甚是夕大雨行七十里

六日程無一里平

自獲鹿至徐溝山行五百里始出太行峽

騰獅臥虎各崢嶸

獅子山臥虎山皆所經峻嶺人來

絕壁題詩健馬入中原放轡輕齊豫嚴疆爭險隘

太行山脈由大河之北掠齊魯走燕郊

周秦遺

轍辨縱橫一灣寒碧同戈水風雨唐家舊勒兵

徐溝縣有同戈水唐高祖起兵之地

十七日冒雨發西關十里高花村十里堯城經古帝堯坊下傍同戈水畔行黃流

平漫僅廣丈餘十里食於羅村枯柳大十餘圍道中所僅見午後放晴望麓臺山色雲氣開闔青黃異采十里賈令鋪十里東陽羽鎮中巨宅雉堞嵯峨比日所經郡邑咸樓堡森衛野外則廢壘相望中原戰伐之遺也東關外有傑閣三層榜曰昭餘勝境即爾雅之昭餘祁十里宿祁縣春秋時祁奚食邑當汾潞之衝因午前遇雨僅行六十里

天際修蛾一笑開詩情雲影共低徊晚涼靜倚昭餘閣過雨層巒畫麓臺

十八日乘早涼行芳疇過雨翠潤欲流西眺麓臺諸峰朵朵作荷葉皴十五里鄭家莊十五里洪善村野中時見碑亭華表十里琉璃廟十里食於平遙縣地爲堯始封邑漢稱平陶由長橋入朝墩門繁庶迴勝東路諸縣晉俗多以三字揭門若慶豐年之類戲臺若過行雲小梨園之類村中有猥佐微秩即高其閉閣榜書金碧止監生外委等職午後遵大道行絲柳陰中茶亭留客十里良如壁十里杜村

蜀輜詩記卷上

十里郝家堡過石橋即張蘭鎮市樓皆碧瓦朱闌規制甚壯人烟稠聚爲三晉鎮市之冠茶罷即發五里李陵墓緣田港行方苦躓蹶遠處黑雲驟起濛濛下垂至地想前途村堡已在雨中俄頃風撼羣木類江湖澎湃時已戌初距介休尙遠就近村治雨具未畢雨已傾注而下回望麓臺山色天空修眉方與夕陽相嫵媚十里鄔城店秉炬行十里湛泉鎮雨止月出樹影浸地參差若荇藻十五里東石門鋪繞介休城外五里郭林宗墓墓上漢槐大逾數圍歲久已枯有桑榆生其中憑眺久之掇取蒼皮數寸饒有古致抵驛館已更鼓三嚴月色甚朗行一百二十里

平遙

溫澤瀉盈盈

溫洩澤周禮註作祁彝在祁縣平遙間

堯封訪故城丹霞乘曉合翠隴入雲平并土

周分域平陶漢異名家書今日達應爲計郵程

是日發電至蘇

張蘭鎮遇雨

奔雲如健馬橫躍太行東樵牧爭歸路陰晴劃半空雨聲翻樹黑電火燭山紅
稅駕臨前邑荒雞夜已中

郭林宗墓

女牆寒色介休城四野沈沈轉柝聲夜半槐陰孤月上徘徊猶作漢時明

十九日發縣西關見土山橫列塔踞其巔十里西石門鋪折而南十里義棠鎮始見汾水排空濁浪舟楫甚稀旁有汾陰祠綿山在其南蔥鬱迎眸五里桑平峪五里冷泉關盤折而登汾水浩浩在烏下飛流而去地即雀鼠谷唐太宗敗宋金剛處亦名寇爵津十里崔家溝十里兩渡鎮食於窰洞介之推廟在鎮東沿汾河東南行經十三孔橋汲水澄之濁泥居十之七前進益險閣道凌虛縈巖俯壑數十步一折水亦依山而轉十里索洲鎮村人穴山而處鑿鑿殆遍五里張家峪隔岸土阜層疊田隴因之亦層累而上十五里靈石縣隋文帝得石遂以名縣有英雄

蜀輶詩記卷上

十

奇遇坊李衛公遇虬髯客處縣當南北要隘而生業殊蕭索行八十里

寇爵南來此問津暉臺金鼎久沈淪衣冠綿聚埋高土環佩汾陰照玉人故國

龍蛇心浩蕩秋風鴻雁曲酸辛祠堂尙有村巫賽夜夜榮光后土神

二十日登韓侯嶺直上二十里太行山中無此峻坂山頂訪淮陰侯祠侯像白面微髭甚口祠後即侯瘞首之所題碑林立庚子秋兩宮西巡駐重兵於此下嶺過天險橋二十里食於仁義鎮鎮在亂山中飯罷臨窗啜茗仰見對山窰洞疑雞犬在雲中也午後經霍太山旁古稱中嶽山麓皆黃色土岡環之山腰以上濃青靄靄若有靈氣蟠盪十里逍遙嶺十里白水十里師莊鎮在窰洞茶尖紆迴行山徑中十里周村二十里宿霍州夙稱巖邑而里巷寥寂門榜曰河聲嶽色謂霍太東環汾流西走也行一百里

佐命金刀第一功韓侯橫草起關東眼中久已無秦帝帳下何曾負沛公風雨

至今聞嘆暗雲山終古屬英雄天亡頗笑重瞳子大好頭顱付馬童

二十一日出南門經長橋北地橋廣而平都與蘆溝相似左汾右霍漸入峽中十里鑾鈴鋪以唐太宗挂鈴於樹得名十里辛鎮五里霍趙交界坊五里益昌鋪時見汾水湯湯而下驕陽漸烈土峽迤長輿夫茶疲不前十里衛店十里食於趙城南關擷取池荷入饌征途觸暑彌覺芳鮮趙縣以南有霍山清泉兩道引以灌田十五里過豫讓橋三面抱山西南一帶繡陌青塍芊麗彌望村落絲互不絕婦稚雜耕熙皞自得時聞水碓聲與田歌相答山西大旱以後郡邑都荒惟洪趙間水清土潤稱上腴焉五里苗村十里宿洪洞縣邑民遇昏嫁事以紅紙數方大書於門如道韞遺風等市中屢見之行八十里

廢壘積垣滿地愁洪崖仙境喜開眸名卿故邑臨羊舌

縣爲春秋羊舌大夫采邑

行客前程

信馬頭細澗護田波活活夕陽盈野黍油油莫嫌偏霸商君術富庶源從墾關

求

二十二日穿城出南門過洪崖經石橋九箕玉女諸峰青若列眉朝暎射之如靜女曉妝脂暈與黛痕相發十里皋陶墓驛道平垣回望霍太山漸沒天際十里陽曲鎮十里羊獬村有三大士廟二里天井村在亭下小坐循田隴行左見汾河此後去汾漸遠十里韓村鋪入臨汾界十里涉高河平陽府高塔遙出林梢十里抵府城入鎮朔門食於古寺中神堯舊壤市靜人稀不及平遙介休間一縣二十五里入襄陵縣界西見姑射山卽莊子之藐姑射也十五里張林鋪五里趙曲鎮茶尖二十五里經箕山入太平縣界宿於史村行一百二十里

洛浦湘皋託夢緣嚴妝親覩藐姑仙樓臺湧出虛無界冰雪餐從太古年寶鏡

俯涵汾水月黛眉橫掃太行烟蒙莊去後風華歇北雁南鴻各惘然

山海經南北姑射山

相去三百里

二十三日行土峽中十里經伯益故里碑十里入曲沃縣界有古樹若長橋臥空支以輒石行人出其下經古義士橋即豫讓橋昨過趙城亦有豫讓橋一士而兩地爭之烈士不死矣十里北辛店復行土峽中十里食於高顯鎮有三世豸繡坊鎮中方雅之族午後行田陂間五里高陽村十五里西莊鎮五里宿侯馬驛對門驛館爲庚子年大學士剛毅病歿之所入晉以來幾忘溽暑是日熱甚而風侯馬設電報局即發電至吳下以慰重闈行七十里

節序行何速家書遠未通曉程雞唱後鄉夢雁聲中古月秦關冷邊聲代馬雄燈前聚兒女應爲計游蹤

二十四日出驛經滄水橋水由翼絳間來兩岸淤涸成田僅中流一綫十里史店村五里驛橋村踰隘口山羣岫青蒼作圓頂一塔在山下平原無級可登十五里蘭德鎮入聞喜縣界爲唐代教坊故址冷雁噉晨哀蟬噪夕昔日之歌臺舞榭也

五里裴柏村十五里食於東鎮窰洞洞小而精拂簟小眠清涼沁夢上有小閣面對中條山十里馮家莊風驟起羣鴉受風斜掠點點作退鷁飛二十里宿聞喜縣民皆汲水溉田大凡能治井者其田必沃道中碑碣甚多或某禪師修行碑某老夫子教澤碑或岳父母追慕碑外祖父母遺愛碑受施不忘貞珉示後良由風俗之醇婦女儉妝鮮有衣帛者四五十許人猶項垂銀製帶鎖大環或額上覆布如香囊小兒抱肚多畫仙佛狀城內有裴晉公故里碑行八十里

新田稱上賦雜霸亦雄才今曲沃晉之新田羣岫一方缺平蕪千里開山行句
岳陽緣左盡滄水貫中來鬱鬱炎雲裏披襟信快哉西南平野

二十五日由街市出城汾酒柿酒店頗多酒帘書萬古柿酒出涑水關鍵坊下街西有廟凡三門布篷攤子成列似京師之廟會十里宋店十里郭店路皆平整見中條一抹橫出土岡上五里夏縣境十五里食於涑水鎮俗稱水頭鎮道中見后

稷遺風歷山莘野等門榜當是村民之多田者午後行田中十里岔口五里安邑界五里王范村村人羣聚驅牛數十頭知農事之修也行里許遠眺西南一角雨脚垂地行行漸入雨中滂沱沾袂俄頃雲將雨去夕陽如畫十里將軍廟詢諸村人僅疏雨數點耳二十里宿北相鎮已滿街燈火晚市喧闐鎮屬安邑古之鳴條也行九十里

濕雲翻墨擁樓臺行近鳴條霽色開不是林宗巾半墊斜陽誰信雨中來

二十六日辨色即行十里喬陽汛五里入猗氏縣界西望一峰特聳爲蛾眉山桔槔聲出烟隴畔遠近相續有坊曰有虞帝舜陵十五里食於牛犢鎮五里香樂鎮十五里祁任村五里水頭塘入臨晉縣界路旁窰洞虛無居人白頸鴉成羣啼荒塚聲殊淒厲十五里宿樊橋驛有司空圖故里碑地近鹽池水鹹不可飲鹽池東西各一周圍百四十里遇南風而鹽成故有薰風阜財之歌餐罷登驛後高亭涼

蜀輜詩記卷上

十三

風東至繁星麗霄中條山如帶隱隱亘天表山以南爲汧洛山以西爲秦關南天盡處時有電光飛掣想象中州郡邑在烟雨間也行七十里

剝棗光陰漸欲交

虞陵道中棗林夾路結實垂垂

翠林如幄覆芳皋朝烟十里虞陵路處處山

田響桔槔

二十七日曉望中條雲氣蓬蓬若蒸釜搖風射日姿態百變隔河秦地山光遙迎馬首十里椿陽鎮路西有李姓墓翁仲森然晉地僅見十里七級鎮方塘如鑑老木環之二十里高市鎮額曰古東維那二十里呂芝鎮此六十里中雖當孔道而瘠苦得食頗艱小坐即發經關帝廟有鐵獅二昨經關帝廟見鐵旛竿二盤龍翥鳳雕鑄絕精題曰吳宮花草埋幽徑魏國山河半夕陽道勁如龍門石刻聞秦中鐵竿尤多十五里宿坡底鎮坊曰有虞帝都即古之蒲坂距蒲州五里驛舍後院古槐二株有鳥一雙似山雀而大黑身短尾首微白聲啁晰若雛雛前院仰見土

山有塔十三層地距中條益近峰峰攢削類小米畫法入夜風雨交作行八十里
安邑平陽迹已陳又從蒲坂訪遺塵隔山郡邑浮伊洛小市人聲雜晉秦媼水
花明春降女歷山在中條之麓媼水二水出焉有英皇祠首山薇老歲祈神晉河鎮在雷首山下即古之雷澤有夷齊廟村人以神仙祀之祇今片碣荒岡上飽閱滄桑百態新

二十八日晨起西行絲雨灑空嫩涼如水出鎮後左眺平陸前指秦關夾道柿林
吟風策策蒲之民造酒醋皆以柿也山氣冥濛若被烟縹霧縠十里薛家岩雲開
縷縷騰青絃紫山態益佳七里楊韓鎮略有市場二十三里上源頭地產鹽亦稱
蒲灘十五里匱河鎮恐渡河淹滯一飯即行踰土山數重十里北極宮五里風陵
渡風后所葬或曰女媧墳對岸潼關牌晚橫截山腰山峰雄深特健若壯士聯臂
當門虎踞放船剪溜而西彌望皆山上流天水混茫濁流慄疾舟本直指潼關爲
急溜所掣抵岸已在下流七里行河南閿鄉縣境五里由第一關門登山而入城

蜀輜詩記卷上

壁巖固騎士雲屯向見百雉巍峩入關仍是坦途有升無降蓋神明積高之壤也
市屋皆有木檐深丈餘以蔽風雨售醬菜甚佳自平定州至此凡行山西境一千
四百二十里夜有狼入室羣起逐之地近大山屢有狼虎患官吏方出示捕獵行
七十五里

砥柱峯巖倚碧雲大河南下怒濤分兩三烟點浮梁雍千七名川挾潞汾黃河受千七百川松柏畫寒神禹廟風雷晴繞女媧墳憑虛欲接巫咸語翠葆金支盪夕

潼關

嶽色河聲馬上收左臨伊洛右并州西風昨夜關門度吹到中原萬木秋
二十九日出關十里過四知坊見漢太尉楊震墓碑祠宇處路北數十步外循土
山行經三河口河渭涇三水合流處回眺猶見黃河流民三五就河干淤處結草

屋而居二十里陽化鋪土山行盡始見太華山雲鎖峰腰如蓬壺莫即五里宿太華鎮驛館與嶽廟毗連廟中碑石林立周漢唐宋之松柏猶存或苑或枯大者二三圍或四五圍蚪繞龍盤凝然古色幾閱蟲沙戰劫矣最著稱者老子繫青牛柏有明代青牛老樹碑柏已全枯輪囷高三丈許堅同鐵石院中有募收坊放生池露凝仙掌碑殿後爲萬壽閣回匪亂後左文襄公重建之傑構三層累梯而上倚檻四顧風急天低西北河渭雙流依微若帶東北首陽中條諸山若與闌干平南對華山濃雲羣頂偶從雲隙見東峰宋藝祖與陳希夷賭棋處稱賭棋峰有瀑布三折瀉自蓮花峰遠望見白痕破空青而下西南數十里外山轉處隱隱見華陰縣飯罷華陰令劉友右來導游玉泉院向山樊而進萬疊雲光飛騰雜遝略見西峰卽韓昌黎投書別家人處中峯終不得見仰眺天心從雲裂處現青螺一點行益近山益高在萬壽閣所見培塿平巒擁護山根者至此皆崢嶸百仞寇萊公詩

止有天在上更無山與齊禹域之內惟華峰峻極爲五嶽冠路經雲臺觀方池一泓旁有古柏度亦千載物登坡至玉泉院修廊宛宛池閣重重清泉噴注恍萬玉爭鳴汲泉淪茗味清而腴石洞中陳希夷睡像臥石榻上長可盈丈泗濱浮石所製叩之聲鏗然門前見大河一片黃雲與天光相晃漾庭中無憂樹數株歷歲千百狀若藤蘿無數碎合而成梁棟無取斧斤不加轉以擁腫不材長享名山甲子頗合蒙莊木雁之喻購墨竹三枝携歸奉祖庭作杖萬年松生石隙高纔數寸蒼翠歷久不枯得水即活亦取得數本院當山澗之衝屢受水患澗旁巨石磊磊歷年隨水而下想見水力悍猛松鼠山鵲滿院嬉翔最近之峰作濃綠色稍遠爲西峰條條若解索皴山僧云引水灌田略堪自給巖居息影備領四時之景夏逢急雨四山雲氣驟合若萬馬騰馳江潮噴湧頃刻彌漫數百里殊爲偉觀坐久之雲深欲暝高寒逼人遂挈茗而歸途中多異草枸杞徧地結紅實食之頗甘輿中覓